

'BAKE-BIDEA' PROPOSAMENA

Prozesu erabakitzailea helburu

Bake Konferentzia amaitutzat eman du Elkarri-k. Nahiz eta akordiorik gabe amaitu, Konferentziaren emaitzak aukera gisa harturik *Bake-bidea* izeneko proposamena aurkeztu du aurrera begira. Proposamen honen helburua bake prozesu erabakitzailea abian jartzea da. Hona hemen proposamenaren oinarria eta Elkarri-k fase berri-rako aurreikusitako urratsak:

PROPOSAMENAREN EDUKIA

ONARRIZKO KONPROMISOA. Bake Konferentziaren lanetatik sortuta, Elkarri-k honako sintesia egin du proposamen gisa eta konpromiso baten erara azalduta: «Testu hau izenpetzen dugun talde politikoei bake-prozesu erabakitzaile bat bultzatzeko konpromisoa hartuko dugu, giza eskubideen errespetuan, aniztasunean eta printzipio demokratikoetan oinarrituta. Gure erantzukizunaren eremuan elkarriketa aldeanitzari ekitea esan nahi du alderdien foro bat eratzeke. Foro honetako erabakiak alde bakartasunik ezaren irizpidepean eta betorik gabe hartuko direla onartuz, indarkeriarik zein mehatxurik gabe, eta azkenik, erabakitzeke ahalmen demokratikoa gure gizartearengan utziz». Elkarriren iritziz, atzo aurkeztutako testu honetan «bake-prozesu erabakitzaile baten arauak daude finkatuta».

FASE BERRIAREN ARDATZAK

ESPARRUA ETA PRINTZPIOAK. «Bake-prozesu erabakitzailearen markoa gizartearen gehiengoaren borondatearen errespetuan eta hauek finkatzen dituzten printzipioen onarpenean kokatzen da: indarkeriarik eza, elkarriketa, akordio zabala eta gizartearen berrespena».

ERAGILE POLITIKOEI KONPROMISOA ONARTZEKO ESKATZEA. Elkarrik «legebiltzarreko talde politikoei» eta «erakundeei» bake-prozesu erabakitzailea bultzatzea proposatuko die. Nola bultzatu? Atzo aurkeztutako «oinarrizko konpromisoa» onartuz, proposamenak aurkeztuz, eta alde askotako elkarriketak has-teko prest agertuz.

ETA-RI ESKAERA. «ETARI IRAk Irlandako bake-prozesuan eskaini zuen pareko su-eten bat eskatzen diogu, hemen ere



JON HERNÁEZ / ARGAZKI PRESS

Jonan Fernandez, atzo, Euskalduna jauregiko agertokian hizlari.

bake-prozesu erabakitzailea ahalbidetzeko».

ELKARRI-REN KONPROMISOAK:

- Mobilizaziorako gizartearen parte-hartzea bultzatzeko eta oinarrizko konpromisoa eta bake-prozesu erabakitzailea babesteko egitarau bat bultzatzea».
- «Europako erakundeetan eta Europa-

ko Konstituziorako Konbentzioaren eztabaiden esparruan bake-prozesu erabakitzailea bultzatzeko proposamen bat aurkeztea».

- «Nazioarteko prestakuntza handiko hamar pertsonalitate aurkeztea, prozesuaren behatzaile gisa jokatzeko prest daudenak, eta agian, paper erraztaileak onartzeko».

ESANAK

JONAN FERNANDEZ

(Elkarri-ko koordinatzailea)

«Elkarriketa, akordio zabala, indarkeriarik eza eta gizartearen berrespena dira alternatibaren oinarri»

BITTOR AIERDI

(Elkarri-ko bozeramailea)

«Helburu nagusia bete ez dugun arren, oinarri sendoak daude bake prozesuaren aro berri bati ekiteko»

MARIANO FERRER

(Konferentziaren moderatzailea)

«Haizea ez dugu aldeko izan eta alderdien artean mesfidantza nagusitu da»

Alderdien konpromisoaz gainera, Elkarri-k gizartearen parte-hartzea bultzatu nahi du, eta Europako Batasunean proposamena aurkezteko asmoa du, «bake prozesua bertan eztabaidatzeko».

Halaber, prozesuaren «begirale» izango diren nazioarteko hamar adituko taldea osatuko du, eta bitartekaritzan eskarmentua duten gobernuen laguntza eskatuko du.

ASKATASUNA

«Gutxieneko argitasuna» ez lortzea egotzi dio

Askatasuna elkarteak ez zuen bidali ordezkariarik atzo Elkarri-ren Bake Konferentziaren amaiera ekitaldira, eta jarrera hori azaltzeko, prentsa ohar bat kaleratu zuen. «Mamien inguruko gutxieneko argitasuna» ez lortzea egotzi zion Askatasunak Konferentziari. Bide batez, Askatasunak ezagutarazi zituen konferentziaren baitan Elkarri-ren testu proposamenari egindako zenbait kritika, «konferentziaren porrota ulertzeko lagungarria izanen delakoan». Horien artean, metodoaz gain, «funtsezko gauzez» hitz egiteko beharra nabarmendu du Askatasunak. Halaber, aintzat hartzeko proposatzen diren printzipioak eta errealitatea «oso urruti» egotea argudiatu du Askatasunak. Elkarri-k gizarte taldeei bidalitako testuan indarkeriaren kontra agertu beharra azaltzea ere kritikatu du. Bortizkeriazko jokabideak definitzeko zailtasunaz gain, Bake Konferentzian parte hartu duen indar politiko bat «biolentziaren aurka jendaurrean ez agertzeagatik deuseztatu» nahi dutela eta gaitzespenen kontuarekin «hipokrisia ikaragarria» dagoela adierazi du Askatasunak.

Gripearen kontrako 2002ko txertaketaldia

Arriskurik ez: har ezazu

Gripearen

kontrako txertoa

Irailaren 16tik urriaren 31ra arte

aurrera doan herria

Zeu bazara:

- 65 urtetik gorakoa
- Diabetikoa
- gaixo kronikoa
- Biriketakoa
- Bihotzekoa
- Giblekoa
- Giltzurrunekoa

Osakidetza
Servicio vasco de salud

EUSKO JAURLARITZA

GOBIERNO VASCO

OSASUN SAILA

DEPARTAMENTO DE SANIDAD